

2-8-7

19

萬國近政考



萬國近政考略卷九

金匱鄒 駿翰飛氏編輯

沿革考

美利堅

美利堅創始已詳葡萄牙西班牙兩國沿革之中而英吉利人之至其地也在一千四百九十年有葛巴他者舟至其地北海之濱卽回後七十餘年英人佛勞比西又乘船往旋亦引回一千五百八十四年英王以利沙伯命大臣拉利乘舟往考察風土人情山川形勢回述所見王喜拉利名所至之地曰浮及尼所以頌英王也是年拉利請旨徙英民居之未幾所徙之民悉數遁歸往視之不留一人焉一千六百有二年後英王照尼斯第一在位往美之人逾多乃立倫敦及拍利二公司所佔之準相離一百英里與荷班葡踵錯其間而耶穌教人又至傳教乃立曼歲去塞邦數年英王派員前往分畫疆界又創梅來冷邦未幾浮及尼南又創一邦曰鉛路冷後鉛路冷析分爲三曰南鉛路冷曰北鉛路冷曰叫及也除曼歲去塞外皆倫敦公司所屬及之邦也其拍利公司所佔曰曼歲去塞曰根得開曰樓底到曰牛喊姆駭凡四邦以上九邦統名新英英人不願瑞荷法葡班人居美乃與荷蘭構兵奪荷蘭屬地名曰紐約而分爲二邦一曰紐約一曰紐久普一千六百八十一年又創烹碎而浮泥又逾二年創特勒回痕於是共成十三

邦合約拒法蘭西法乃失加那大（亦名開納臺即喀納塔）全地於英時英廷遙制美國征收其稅款項所入卽爲美國英官辦公之用而賦額苛重美民苦之英廷恐其抗違時以兵威迫脅一千七百六十五年十月十三邦議員之首號召各鄉聚議紐約商會之中來者千餘人欲抗英國蓋印之稅蓋當時美國貨物進口出口均須稅官蓋印然後交易否則一律充公百姓不得自由欲刪此例公議環請英廷收回成命英國不從旋反議加玻璃紙貨顏料鉛鐵茶葉五樣稅項按此等貨物以前向不納捐至此均須蓋印完稅美民益忿曼歲去塞邦議院首先分發傳單甘爲戎首請各邦議員均至保司登議事一千七百七十年百姓紛紛謀叛英以兵力威之殺叛民無算百姓控之英官不得直安分則苛政難堪妄爲則身首不保百姓至此益覺呼籲無門冤單遍布事爲英廷所聞諭令免玻璃鉛鐵顏料等稅惟茶葉收稅如故各邦以英國不恤民情相戒不食茶葉而以哥哥等代之一千七百七十三年十二月十六號英商茶船至保司登百姓之桀黠好事者一擁登船將茶葉箱包盡拋棄海中英官以兵彈壓百姓中有逃去者有被拘者當道責令將茶葉賠償且立峻法繩之使百姓不得自主明年美民皆至梅來冷邦之非勒代爾非翁（亦名費拉特費）郡公議各設團練以備無道官兵卽推華盛頓爲團練總統自此兵連禍結決計抗英美人又自創國旗卽今之花旗也華盛頓既率衆叛英終年用兵干戈不息英廷知美之不可服也至一千七百八十三年九月初三任其叛去英與美利堅立約令爲自主之邦卽以華盛頓爲民主此

美利堅建國之始也嘉慶三年始作府兵推前總統華盛頓爲大將軍與法人開戰明年華盛頓卒未戰而和嘉慶十九年英兵來侵掠京城法將哲克生擊敗之自後西劃東侵版圖日廓未幾因行奴一事南北不洽一千八百五十二年咸豐二年南鉛路冷以北界欲禁南界行奴首先發難一千八百六十一年五月南界自立爲國與北界交兵三年民死無算法人又從而懲勳之直至格蘭脫傑起爲君始平南界之亂而總統林肯竟被奸民所弑格蘭脫繼之南北仍合爲一共分四十二邦改四十二省事詳南北交戰記茲不多贅

墨西哥

墨西哥立國已古有廢城爲數千年遺迹年代名字不可考一千五百十五年西班牙屬地古巴監督瓦拉厥士命水師郭爾的士往取之城中房屋峻麗郭贈書其王蒙的蘇請相見王大懼贈金固辭請歸國郭弗聽擒其王墨人大敗監督瓦拉厥士以郭奏倖功妬之又命部將那耳活以水陸軍捕郭進略其地兵士不服那叛歸郭郭復領兵會墨人集義旅勤王郭命王散之衆弗允義兵大至王尙被囚中彈因傷而死郭與墨人戰竟敗得敵旗墨人見國旗在郭手以爲天助郭也大驚奔潰立前王之姪垂的馬督義兵拒戰一千五百二十一年都城復陷班人乘勢降墨全土欲獲軍實疑王及貴族匿貨乃拘縛坐熾炭上宛轉慘呼而死班王聞捷以郭爲墨西哥監督墨隸於班一千五百三十六年郭又取嘉薩符尼牙旋

失寵回國不錄其功憂悶而死乃慘酷之報也自後墨西哥久隸班國一千八百六年美達蘭起兵叛卽平越七年諸部又叛以文書頒告各處自稱獨立一千八百二十二年公推大將奧古斯丁爲王明年廢之爲君民共主之國以維多利亞爲大統領後又廢之以後連立數人曰歇德拉撒曰基爾列羅皆不久一千八百二十九年皮司國門爲大統領時有二黨一欲自主一欲君民共主彼此爭戰而山達俺那得立統領幾改君主北部得撒州與美國合美墨大戰旋和墨西哥不振北部凶匪橫行商民大累一千八百五十五年國分五黨山統領出奔自此屢易統領內訌不止一千八百六十年蘇亞勒士藉兵力執政遇外人虐先是墨國港口爲英所封北方州郡又爲美人所割一千八百六十二年英班法三國兵船入內港興問罪師蘇亞勒士懼而請和償兵費英班允之法欲乘間得地五月攻拔巴不拉蘇達遁法人入都立馬西密憐爲王改君主以大軍護之明年五月王赴墨西哥京卽位越三年墨黨叛王倉皇出走爲叛民所殺蘇勒士復立仍改君民共主而暴虐殊甚國中騷然在一千八百七十一年間其亂最甚追蘇亞勒士卒大審院長鐵實耶門代立勵精圖治謹慎交隣國中亦少安息按墨西哥富產金銀其產金雖不如秘魯然所出之銀可抵全地球所出之數每年可得一千六七百萬元而國債實至三億十七萬元輸息須一千九百七十萬元國計艱難可以想見若有人善以治之去其怠惰習其勤能臥薪嘗膽之餘未必富強莫致也

祕魯

祕魯爲南美洲名國昔有君主名印客其俗相傳國君始祖爲太陽之子故最重太陽爭拜之初西班牙人伯撒羅剛暴耐苦家貧牧豕思富貴不得聞南美洲有黃金國涎之一千五百二十五年與國人亞美哥羅舟抵祕魯見地產金銀果符前說然子身不能取越六年班王聞之拔伯撒羅於庸衆之中命爲南美洲監督率步兵一百四十八名馬兵三十七名往略全地亞美哥羅以一百五人繼之時祕魯早已立王王名休雅司加襲父位封其弟亞陶阿耳巴於基多旣而悔欲奪之及伯撒羅至兄弟皆赴告乞援伯助亞陶擒休雅勸亞陶禁太陽教改奉天主教教士以教書示之亞陶擲地上伯怒命部下治其罪忽大礮爭轟騎士突至殺傷甚衆亞陶被囚請積金室內高等其身以贖罪班人允之遂釋去亞陶並不斂迹聞班人逼其兄索金亞陶乃殺休亞班人怒重捕亞陶數其罪而殺之伯撒羅因降全國隸班分州邑一千五百三十五年伯手築新都曰利馬卽今之京城也後伯撒羅殺亞美哥羅亞諸子復父仇又殺伯撒羅而班國仍欲擴土得基多智利等地一千八百八年祕人欲叛畏不敢發因循十餘年至一千八百二十一年與智利合兵逐班廷所派守吏苦戰數次始自立國不歸班屬推擇大統領以理國事實 國朝道光元年也越四年祕魯玻利末亞二國大將克黎俞士謀併之志不得遂時二國上下人民皆習開歐洲共主之說內黨潛生暗謀改政時拔爾達爲大統領深切杞憂不能弭亂至一千八百七十二年竟爲

其下所殺一時變亂滋生紛紛無主乃立巴爾鐸爲大統領禍患少平

巴西

巴西昔爲土番部落無君長聚散靡常喜啖人肉初西班牙既得南美洲諸地見巴西土番用金者甚少以爲開拓無益不敢移民於此及一千五百年葡萄牙人伯都祿亞爾瓦利司探得其地徙罪人墾蕪一千六百四十八年又徙猶太罪人猶人植蔗往往獲利葡王聞其沃饒遣員前往管理時荷法班皆欲巴西荷人嘗奪其地佔據五十年葡人抗之荷人乃去葡遂統全國自爲之主後覓得金礦且得金沙天寶石於河濱乃購阿洲黑人爲奴以供采洗之役一千八百八年葡王遷遁巴西設都於里的日內路後還本國一千八百二十四年改君主之國世襲之常奉葡國伯拉干薩王家爲君稱湯伯都祿第一而不隸葡國別爲海西大國置立法議政院二所一曰元老院一曰百姓院以天主教爲國教而並不禁耶穌等各教一千八百三十一年巴人不服湯伯都祿湯乃讓位於幼子年甫五齡國人多有貳心幸宰相得不致搖動自後農工商賈日進無疆戶口亦漸增盛一千八百五十年有不宜塞利統領鹿薩司引兵來侵明年二月戰於孟得加塞巴兵大勝孟遁去一千八百五十七年與巴拉圭爭河道幾至開兵旋卽議定一千八百六十六年兩國忽開戰巴人敗尋行成自是國境又安無人覬覦一千八百七十七年巴王巡行各國所至之處皆以禮迎之卽國中之民亦皆爭瞻幸采焉

印度

印度民分三種一曰白多勒曼自亞洲東北徙往一曰哥拉利安一曰得拉非賴兩種皆是土人一千八百五十年英人向東先至孟加拉海灣及安達曼島見居民全身裸跣樂則飾以紅泥憂則塗以青土言語不通近之則以兵器相拒衣裳之制度泉布之流通五教五倫均所不悉見食物則耽耽愛之徘徊不去英人知其尙有人心也因勢利導教化漸開問其所由但謂自北方徙至故人死必以足向北示不忘也當前歷三千餘年前有一族種名雅然者自中國來擇山水佳處構第居之後漸分赴歐洲及波斯希臘羅馬意大利各處遂爲各處之祖今雅然古書載攻戰駕駛耕種烹飪建造各說卽當時之首創也雅然之教旣行民人乃有聖品貴品賤品之分聖品者通神明創律例祭司律師之流也貴品者治百姓服人民君主官弁兵卒之流也賤品者農工商牧漁樵之流賤品傭工奴僕也聖品一流之中有一等人名不喇嘛者名望獨隆學問獨博施教化定朝儀創國律是爲無上上品他人不能相抗卽以貴品視之亦如小巫之見大巫焉於是貴品忌之往往執兵相攻彼此不讓前歷五百年王太子釋迦降生有異徵王本欲禪位而釋迦性耽禪悅不喜繁華遂以王子出家持修行腳四處垂言敷教宗旨不同人頗有愛其新奇者釋迦以喜己者收列門下名之曰僧有道者曰佛釋迦前至錫蘭皈依者益衆竟有天演實實矢志相從者於是雅然之教漸殺不敵佛教矣然佛教敗後尙有人信雅然者一千三百二十七年

希臘王大亞力山德兵攻印度直入內地徑抵恆河未幾還師順流至一處見大地平曠五水合流匯於一處以爲險要也建會城守之自號爲印度王招徠四處之人漸成都會近處會目有名展璧哥伯者開風附從未幾卽叛而自立建亞蘇葛省會城曰排納以拒大亞力山德其後希臘人屢往印度大敷教化土蠻陋俗爲之一新按印度西史載西歷六百四十年回曾已至其處佔之一千一百七十二年回王穆罕默德告利重佔拉鶴一邦東伐西侵獲地無算其後篡弑攻奪禍不勝書至一千三百九十八年東土耳其王帖木耳攻拉鶴勝之一千五百二十五年巴巴繼位頗思一統版圖有志未逮迨太子何麻成嗣服敗阿富汗迭佔各邦乃遷都於愛哥拉城相傳數世國勢日興時英人初入印度不能得地而還一千七百三十九年波斯王奈地米耳來攻長驅入境旋引兵去當一千四百九十九年時葡萄牙人來開商埠一千五百有五年葡將亞來墨臺統船二十二艘兵五萬大舉來攻獲勝佔其地卽以奧羅依大爲監司駐守其地後又佔埃及麻刺甲暹羅等處其時與東方通商祇葡萄牙一國一千五百九十五年荷蘭人何德麻至蘇門答臘旋設東印度公司一千六百十八年建擺退城於舊法先是英人來攻荷蘭屬地勝之遂佔爲己有一千六百十三年（或謂十六年或謂十八年）英人以胡椒價貴大可銷行故特設東方公司嗣又與蒙古約建埠通商一千六百有九年英商互市於亞丁馴至暹羅麻刺甲蘇拉他各處葡荷忌甚合力拒之不勝一千六百六十年葡讓防備於英越二十一年英以賓告（亦名濱角）爲商

匯設局派員戍以商務防兵二十名自此商務堅牢得尺進尺矣法蘭人至印度在一千六百有四年後十二年丹馬人亦來一千六百七十二年法人購邦得昔利一埠通商一千七百四十八年英兵來攻法還別地數處於是彼此分立商埠英埠在格里該塔法埠在哲代乃該荷埠在親胥亞一千七百四十年濱角王幽英商一百有四人於獄虐之英人來攻大勝別立濱角王而厚索賠款一千七百五十八年英人刻來佛爲濱角商務總督此後英勢益張一千七百六十七年英商務總督始被欽命其公司則官督商辦焉一千八百三十三年英廷以印度公司總督專辦民情兼管兵政惟不准貿易與商人伍一千八百五十二年英佔緬甸南鄙浚河道設電燈造鐵路但英商待印民虐英廷知之收回公司治民之權又恐鞭長莫及乃於本國倫敦京城增設印度理藩院頒諭印度政令一新一千八百七十七年正月朔國中上英王維多利亞兼王印度徽號曰印度總王一千八百八十六年緬甸屬英印度民叛英全力征之始服而俄國亦涎印度蠶食而來於是俄之新界及南方邊境徑逼印度鷹瞵虎瞬所懷不良英思患預防與俄立約勘界彼此相爭躊躇莫決而又不欲開兵故至今尙未大定也

波斯 輿地興志卷看

波斯古有十二族後建都於色列齒初未成一統迨蜚魯士之孫諾太之子名才府者立讓位於哥白山爲亞非細雅勃或名矮非鴉所滅先屬土蘭後屬亞細亞前歷六百四十二年蜚魯士之後開里白德遜

土蘭始再復國前歷六百有六年加司哥爲王爲土蘭所虜大將魯司登救之復王及猶太王亞士智芮卽位生一子曰曼達尼嫁猶太貴族生居魯士亞命侍臣棄之侍臣不忍付牧人收養及長王知之怒烹侍臣子居魯士在波斯叛擒亞士智芮猶太遂亡其後又奪巴庇侖居魯士長子岡庇西士立好遠略類父嘗攻埃及前軍列貓犬埃所敬神也埃兵見之果懼波兵陷其城埃及遂滅王殘暴殺大臣子及舅氏與舅氏之子國中大憤及死國人立大流士雄武有權略分國爲二十省州置牧定賦稅置金幣練兵興學國勢振興巴庇侖叛以計破之釘其民千人於木架威懾四隣嘗出兵印度伐河西諸國進侵河東遂欲略西方伐希臘大敗而還憤甚欲再舉罹病死子澤耳士卽位以百泄波利爲都城欲報父仇徵所轄五十六國民兵三百五十萬鑿亞特斯山通舟道希臘震懾受降惟士帕太及雅典不屈其後仍降前歷四百六十五年王被臣下所弑子亞答嗣立誅叛臣先是王爲太子時曾宴七十二省大臣於書山欲見各大臣夫人不得見遂黜其官後太子大流士合國人五十名謀弑事覺被誅王死庶子澤耳士第二立庶弟素克治諾弑之大流士第二立素又弑之乃自立有百十八子及死太子尼孟立其弟西絡士以希臘兵叛大戰王勝之前歷三百六十九年希爾加尼州牧阿克立暴戾更勝前王殺異父兄弟十五人伐埃及取珍玩而還尋平居比羅之亂王欲誅伯哥斯伯權臣也迫王自殺立大流士第三爲王前歷三百三十年馬其頓國王率兵來侵王被臣下所縛將弑之以奪國忽馬王至逆臣懼弑王而逃於是波斯

全屬馬王及馬其頓亡波斯服從巴西奔巴西奔本屬波斯至是反爲所制迨西歷二百二十六年波斯亞爾達吉起兵始自立爲王定子孫世襲後爲臣下所弑削巴嗣立與羅馬戰破之傳十五世歷四百八十六年科勃卽位爲羅馬所敗割地請和五百三十一年王死哥士婁嗣立奪羅馬數地又焚掠其都城奪其屬地亞細亞五百七十九年王卒何毛斯嗣立五百九十年國人作亂王被逐尋卒太子立極凶暴攻羅馬羅馬請和乃殺其使羅馬大舉來伐王敗及伐土耳其又敗歸罪將帥殺之太子思留司叛捕弟十八人使父觀而殺之後繫父於獄利鏃刺王體王痛死思留司自立亦暴死六百三十二年立伊索日耶爲王與沙蘭生戰敗而降求援於中國又請土耳其禦阿刺伯土人誘執王波斯亡乃改太厚朝（別是一族）八百六十八年波斯色法里朝人阿馬自立色蠻尼（在達爾給司斯坦自立國）來攻阿馬死色法里朝又亡九百三十三年波斯人特立蒲牙狄朝以馬大道拉爲王國政漸復色蠻尼勢衰九百六十一年土耳其族阿伯特真崛起據伽尼寺至孫馬毛多益強一千年波王安納降馬一千三百一十二年土耳其兵襲波斯京王馬蘇得敗死蒲牙狄朝又亡土將達別別克立舒格朝子孫世襲一千二百一十二年蒙古來伐波王奔印度全土歸蒙古一千二百五十二年蒙古人火拉几征服兩江中地遂爲王一千三百二十年蒙古勢衰又爲波斯人所佔一千三百四十五年波斯大疫死者三十萬人一千四百有一年帖木兒耶攻克波斯京城積屍骸山積一千五百年伊蘇麥兒興起（爲西格索此後裔）子達馬斯十

歲爲王在位日久國內治安英人始至波斯謁王拒不見乃王死三子爭立伊麥蘇第二得位明年醉死弟穆罕默德立與土國苦戰二十年一千五百八十二年貴族叛推立亞巴士卽王之庶子也勸之叛父軍士爭棄王來就遂與土耳其和一千六百有一年復與土耳其戰連敗之遂復其故地越二十二年取東方葡萄牙屬地東至印度河西至低格里河通商務於各國與英吉利立約國中治化一新一千六百二十七年王死立其子亞巴士第二土國來伐陷數郡與之和王在位三十九年疆土日闊歐洲皆遣使來聘及卒蘇利曼立耽酒色國運日衰一千六百九十四年卒遺命立其子亞巴士美耳薩親族廢之立西佛森太性仁慈喬及人叛計平之一千七百二十二年阿福肯人馬毛多逼王退位王徒步出伊司巴罕國人羣聚哀泣王慰諭之脫冠竟去阿毛多遂僭位是年阿富汗來寇用兵七年死骸相望一千七百二十五年安西夫里爲王敗死於阿富汗達馬司伯立未幾被廢立亞巴士殆卒那爾的沙或名高梨汗僭位十七年爲麾下所弑安特里立阿富汗來侵掠地大半王弟又叛廢王自立尋被殺陸萬立優特叛破京師而自立與各國通商一千七百八十一年第篡位安利馬拉討之三年安卒喬法嗣統又越四年被弑瑟德馬拉繼之與喬法子戰兵敗被擒一千七百九十五年安萬馬罕墨得又擒殺喬法之子而自立定爲開喬朝都於推海倫二年被弑兒子福德阿釐立一千八百十三年俄伐亞尼爾蹂躪殆遍英又要盟使助自後英俄二國屢與國事且欲以爲與國波王苦之迨一千八百四十八年拿斯勒丁爲王交

涉愈多幾難成國王謹慎將事一千八百七十三年遊歐洲還至土國訂盟旋欲赴法啟行前一日辭祖廟兵士擁王車作亂王走脫誅叛兵已盡然後稅駕至巴黎斯留照相焉

龔古愚曰波斯爲東方大國創始於夏商之間其時尚未成國成周中葉有馬太王孫名居魯士者生有神奇具權術交結豪傑博愛施仁民心皆嚮附之遂王波斯既得國修法度治甲兵兼併諸隣聲威大振其西有巴庇侖早已開基歷千餘年素稱雄盛嘗以大兵伐猶太破其京都縱兵殺戮脇遷居民數百里屍骸枕藉居魯士聞之怒其殘暴興義師攻之衆民亦聞風揭竿爭相趨附巴比侖勢力不支望風奔潰義兵入其京城釋猶太人生歸於是波斯仗義之名震於列國厥後屢與希臘諸國搆兵互有勝負西漢時羅馬崛起拓地東征乘勢進攻波斯波斯王以計絕其糧道乃得免久乃遣使赴羅馬修和羅馬之兵始不復東唐時回教崛起於阿剌伯禍殺其王而隸其民波斯遂爲回教一大部落元季駙馬帖木爾據撒馬罕遣其子侵波斯勝之改名哈烈故相沿至明永樂時猶通中國尋爲土耳其所奪傳二百餘年國勢日衰卒爲阿富汗所併 國朝雍正間有故王後裔募兵攻掠於盜渠中得那爾的沙以爲大將仍復舊都功甫成那爾的沙叛自立爲王東征阿富汗又進攻印度惟殘刻無道卒爲國民所弑國又大亂東境仍失於阿富汗自是東分西裂壤地日感嘉慶十八年與俄羅斯失和數戰敗績割北境日爾日部界俄土地更隘道光初欲窺印度爲英人所拒近則國勢日衰不敢遽然思動矣

日本

日本國創始據日本史載原文頗極荒誕據述有獨化神首曰天御中主尊次曰高皇產靈尊三曰神皇產靈尊爲造化之始旋有可美葦牙產舅尊天常立尊化生國常立尊至諸册二神七世是謂天神七代諸册二神在磯馭廬島生大日靈尊素盞烏尊及國土諸神凡十七傳至大國主神與少彥名命經營國土民利賴之至彥波瀲武鸕鷁草葺不合尊出是謂地神五代後所誌國王名號皆稱天王此周僖王以前之史也周惠王十七年卽西前歷六百六十年彥波瀲武鸕鷁草葺不合尊自號神武天王（以後所誌國王皆名天王）伐大和定制度卽位橿原宮立國號曰秋津洲時壽皆數百歲傳八世稚日本根子彥大日在位卽孝靈帝中國徐福携童男女千人抵熊野居之崇神卽位遣將軍四道平定遠夷造舟楫求水利國內豐安四傳至仲哀征熊襲中途而歿后攝國政喜武功征伐新羅易男裝臨陳新羅降高麗聞風歸附置戍而還后攝位六十九年崩子應神親政蝦夷入貢秀土王仁獻論語孔子之教入東自此而始自神武至此凡十五世九百七十二年應神太子名菟道稚郎子欲讓位於弟遂自殺以成弟志於是仁海卽位九傳至武烈殘忍好殺史册非之繼體嗣立勸農桑崇廉儉徵五經博士於百濟恩威並用遐邇歸心安閑宣化欽明三帝兄弟相及敏達用明崇神推古四王亦兄弟妹相及推古係女主頗重佛法定冠位十二階憲法十七條與中國隋帝往來隋遣裴世清往聘高麗獻隋俘及駱駝舒明爲敏達

之子名田村卽位後卽與中國通彼此遣使舒明死敵達曾孫女寶王帝立是爲皇極則古稱先治道昭著會天旱禱於宮壇雨立降民皆歡呼時大臣蘇我入鹿謀叛弑王自立號至德前王子中大兄中臣鎌子等謀誅之自仁海至此凡二十一世三百三十二年中大兄旣誅逆臣讓位於叔父輕王子曰孝德勸儉仁慈置左右大臣及內大臣建國號曰大化造戶籍定國界禁兼併行田法捐稅增官國中大治立中大兄之子爲王太子兩傳至天智好學尊賢明習治體設學校定典禮制刑書改增官制爲二十六階造刻漏鐘鼓在位十年適中國以兵伐高麗百濟王豐璋援之殺中國兵中國怒遂滅百濟豐璋奔高麗而天智薨中國大臣郭務悰唱之未幾大友立曰宏文有文武才死於戰陳大海人皇子自立曰天武精天文喜占驗置兵政司行大射禮成帝紀及上古遺事造新字四十四卷鑄銀錢定服色廢跪禮行立禮編臣民民族爲八等及崩王后天智帝女曰持統深沈有大度崇儒術頒新法置女官用抽丁行兵之法後傳位王孫自號太上天王王孫立曰文武仁惠勤敏首釋奠先師孔聖及死太后仍攝國政改號元明旋以王孫尚幼傳位於文武帝姊冰高內親是爲元正好賢求諫後世稱之迨聖武立陸奧蝦夷叛遣兵討之築都護城渤海遣使來聘惟惑於佛教造七層堂置國分寺自稱三寶奴僧元昉壘惑太后出入宮禁醜聲四播藤原廣嗣憤而叛不能制也天娶王藤原不比等女爲后生阿倍及王死阿倍立曰孝謙更佞佛無度讓位天武王孫是爲仁聖而上王猶專政每祝髮臨朝以僧道鏡爲大臣禪師令文武百官拜賀

尊授法王在正一位上未幾欲讓帝位於道鏡百官極諫而止自孝德至此凡十一世一百二十五年及光仁卽位首貶道鏡召復前王所廢大臣國運一新桓武卽位詔諸學士習漢語置勸學田討蝦夷費軍糧二十六萬餘斛羅宇日廓追平城立好學勤政民皆戴之旋禪位王太弟神野是爲嵯峨天王下筆千言性喜節儉時國中佛法愈盛僧海宗創金剛峯寺於高野山王倦勤強傳位於弟曰仁和立上王第二子正良爲王太子未幾踐阼曰仁明釋奠孔子自講尙書世際其昌仁風遐布及文德以孝道稱盡心民事明察如神清和天王多惟仁寬簡好學藤原良爲相恃權專政天下非之陽成繼統創英學院遊戲無度令宮人綠木璽則殺之蝦夷津輕亂討平之蝦夷津輕懼而降王死仁明子時康年已五十五相繼爲君曰光孝在位未久而崩宇多卽位四年宰相茶經輔攝茶經死始親政文治武功超邁先古醍醐立恤民圖治寫漢唐君臣言行於殿壁卻契丹使納新羅會國家無事民庶樂業傳位朱雀治尙寬仁嘗謂羣臣曰政如琴張大絃急則小絃絕不可偏也新羅屢叛滅之後禪位於王弟曰村上講求醫學治道翕然冷泉立受制於藤原兼通乃立其弟師真曰花山淫荒無度悲愛寵悵子之死遜位入花山寺以懷仁爲王曰一條極慈仁寒夜脫御衣衣民一時人才輩出侍女亦多才色兼優者是時全國課丁八十八萬三千三百二十九未幾三條天王卽位爲冷泉之子藤原道長專政賁緣賄賂綱紀日弛王死立一條之子敦成是爲後一條天王時女眞國船五十餘艘寇壹歧犯筑前南豐賊掠薩摩民平忠常作亂總王無以